



Улогчо эл, порымик да гим берр!

7-ше (3395) №,
2019 ий 16 февраль,
шуматкече.

ЯМДЕ-ЛИЙ

1933 ий 1 февраль годсек лектеш.

0+



Изи артист улына!



Фотом йочасадын архивше гыч налме.

Конкурс!

Изирак ийготан-влакын «Б» группыш кош-шо йоча-влак «артист» лийыныт. Нуно йочасадысе эшеат изирак икшыве-влаклан «Колобок» йомакым модын ончыктеныт. Пеш чот ямдылалтыныт: мутым тунемыныт, репетицийым уэш-пачаш эртаренна, костюмым ямдыленна. Вараже могай мастарын модыныт! Нимынар öрын-лудын шоген огытыл. Ончышо-влак нунылан совым кыреныт, Уячан мурыжым мураш полшеныт, «Бис!» кычкыреныт. Изи артист-влак вес йомакым модын ончыкташ сöрышт. Тыге йочасадыштына Театр идалыкым почна.

А.А.УТКИНА,

**«Буратино» йочасадын воспитательже.
Звенигово.**

театр чак «Театр курчак» – тыгай лüман конкурсым Республикысе курчак театр увертарен. 5-6 ияш удыр-рвезе-влак, ача-авада але педагог дене пырля курчакым ышташ темлат. Нуно түрлö лийын кертыт: парня дене модман, планшетный, кугу але изи, коштыктыман – кө могайым шонен муэш.

28 февраль марте Курчак театрыш кондыман. Сеныше-влакым 17 мартыште, Кукольникын тунямбал кечынже, саламлат.

Кажне урок онгай



Школыштына тўналтыш класслаште тунемме предмет-влак арня эртен. Икымше кече марий да руш литературлан пӧлеклалтын. Поэт ден писатель-влакын произведенийыштым шымленна. Сылнын лудын моштымынам, сылнымут герой-влак нерген викториныште шинчымашнам тергенна. Шкежат йомакым возен онченна.

Яна АЛЕКСЕЕВА,
3-шо класс.

Морко, Волаксола.

Фотошто: тўрлӧ предмет дене конкурсышто сенгыше-влак.

Йўклымашке ушно **Увер**

«Европейское дерево года» тўнямбал конкурсыш Россия 2017 ийыште ушнен. Умаште элна кумшо верыш лектын. Уло Европо Белгородский областыште кушшо кугу тумо нерген тунам пален налын.

2019 ийыште Россия Москва воктенысе «Абрамцево» историко-художественный да литературный кугужаныш музей-заповедник кумдыкышто кушшо шонго тумым йўклымашке луктын.

Марий Элыште илыше-влакат Европысо пушенгым ойырымашке ушнен кертыт. Йўклымаш 2019 ий 1 февральыште тўнгалын. Келшыше пушенгылан йўкым treeoftheyear.org. сайтыште пуаш лиеш.



**«Российын йомак картышкыже»
Марий Эл гыч Салика логалын.
17 февральыште М.Шкетан лўмеш Марий
национальный драмтеатрыште «Югорно»
эпос ончыкталтеш.**



Советский районышто «По страницам басен И.А.Крылова» сўрет конкурс эрта. Тудо Иван Андреевич Крыловын шочмыжлан 250 ий теммылан пӧлеклалтеш. Почеламутым лудмо деч вара, эн онгайжым ойырен налын, шке гыч шонен сўретлыман. Конкурсыш Ӗрша школна гыч Анна Булыгина, Валерия Воронцова, Виктория Полушина, Анастасия Урсаки уло кумылын ушнышт.

Р.Г.АНТРОПОВА,
марий йылмым да ИЗО-м тунуктышо.

Российыште телымсе спортын кечыже тений 10 февральыште палемдалтын. Нуктуж ялыштат тыгай кечым эртарышт. Мыят ече дене куржым. Арина шўжарем ончаш миен ыле. Мый чылаштым ончылтен куржым, но финишыш шушаш годым камвозым. Садлан кокымшо лийым.

Артём ЕВДОКИМОВ.
Звенигово район.



11-20 февральыште республикысе школлаште «Лўдыкшыдымӧ Интернет декаде» эрта. АСИ Worldwide Russia IT-компаний декаде годым поро кумылым ончыктышо акцияым эртарен. Звенигово район Суслонгер, Марий Турек район Сардаял, Курыкмарий район Йоласал, Параньга район Матародо школ-влаккан 41 компьютерым пӧлеклен.



«Отцовский патруль. Мы ГОТОВЫ» всероссийский акция ден келшышын, Марий Эл Республикыште «Ача, ава да мый – ГТО-м еш дене сдатлена» сўрет да фотография-влак конкурс 27 февраль марте шуйна. Тушко ача-ава ден 18 ияш марте йоча-влак ушнен кертыт. Паша-влак А-4 форматан лийшаш ултыт.



А.В.Тарасов лўмеш «Шортнӧ шайбе» клубын всероссийский йоча хоккей танасымашын регионсо этапше Йошкар-Олаште эртен. Волжск ола гыч «Каскад» команде (10-11 ияш-влак), Йошкар-Ола гыч «Спартак» команде кыдалаш да кугурак ийготан-влак коклаште сенгышыш лектыныт. Пӧлек – шўдӧ тўжем тентгаш сертификат.



Авторын фотожо.

«Шарнымаш сорта» тўнямбал акция 2009 ий гыч эртаралтеш. Кугу

Ачамланде сарыште миллион дене вуйым пыштыше-влакым да Шочмо эл верч илаш-колаш кредалше-влакым шарнен, акция годым сортам чўктат.

Афган сарат историеш кодын. Тудо Кугу Ачамланде сар деч кок пачаш кужун шуйнен, совет калыклан ятыр ойгым конден. Афган сарын геройжо-влакымат мондышаш огынал.

Шарнымаш сорта

«Самырык тукум шарна гын мемнам, Курымла ден(е) илена ме тунам...», –

Йошкар-Оласе 1-ше номеран школын актовый залже гыч мурсем йонга. Тыште таче, 8 февральыште,

«Шарнымаш сортам чўктө...» республикысе акция эрта. Тудо Кугу Ачамланде сарын геройжо-влаклан, Афганистан мланде гыч совет войскам лукмылан 30 ий теммылан, Самырык герой-антифашист-влакым шарныме кечылан пөлеклалтеш.

– Мый таче шарнымаш сортам кугезе кочам... (пошкудем, ялнан геройжо...) лўмеш чўктем, – республикысе 23 школ гыч акция-ыш ушнышо 70 наре тунемше, кидеш сортам кучен, пагалыме енге нерген тыге палдара.

Теве Политехнический лицей-интернатыште тунемше Лиза Демидован (**снимкыште**) кугезе кочаже Илья Васильевич Жарников, Кугу Ачамланде сар тўналмеке, икымше кечылаштак Шочмо элым аралаш каен. 1942 ийыште сўй пасуэш вуйжым пыштен. «Кугезе кочам Волжский районысо Шўргыялеш шочын-кушкын, – оила Лиза. – Ешыште кандаш изакшоляк лийын. Чыланат тыныс илышым арален кодымо верч лўддымын кредалыныт».

Ўдыр-рвезе-влак дене вашлиймашке «Боевое братство» Российысе ветеран-влак мер организацийын Марий Элысе пўлкажым вуйлатыше О.В.Белов, Афганистаныште шке порысыштым шуктышо сарзе-ветеран-влак толыныт. «Моткоч суапле пашам шуктеда. Шочмо элнан геройжо-влак гаяк лўддымө да патыр, шочмо-кушмо верым аралаш ямде лийын кушса», – тыланышт нуно.

Л.ГРИГОРЬЕВА.

Уста тунемше

Книгам лудаш мый йўратем.
Уш-акылем пойдарем.
Книга-влаклан таум ойлем.
Ушан-шотан лияш шонем.
Историйым палаш лиеш:
Мо лийын кушто да кунам.
Лудмем чыла возеш ушеш.
Уста тунемше мый улам.

Максим БЕЛЯЕВ.
Национальный президент школ-интернат.



Йўратыме урок

Йўратыме урок – музык. Тудым Эльза Анатольевна Крылова вўда. Урокушто ме посна-поснат, тўшканат мурена. Композитор-влакын илыш корныштым пален налына. Кугу лиймекем, ала кугу сценыште мураш тўналам шонем.

Таня ТИМОФЕЕВА.
Морко, Купсола.

Кукнур йочасадыш коштшо икшы-ве-влак пўртўс лонгаште лияш пеш йўратат. Кодшо кечылаште Йўштө кугыза ден Лум ўдырынылыме верышкышт мийышна. Йомак тўняшке логалмылак чучо! Мом гына ыжна уж: сонарзын илемышкыже пуррышна, осал шўлыш допым эртышна, Йўштө кочайын юзо аланжым йыр савырнышна, эсогыл маска лукушко миен шуна. Туштыжо йоча-влак, кандырам шупшын, вийыштым тергышт. Пешыже йўкланаш ыжна тошт. Маска вынемже гыч лектеш гын, куржын от шукто вет!

А курык гыч волаш могай сай! «Тыгай кугу курыкым иканат ужын омыл!» – иктыже манеш. «Круто!» – весыже мунчалтен вошыжла кычкыра. Меат, воспитатель-влак, йоча пагытнам шарналтен мунчалтышна.

Шернур район.

Тыште пеш КРУТО!



Кукнур кундемышке, Марий Йўштө кугызан илемышке, унала толза!

Н.М.КУЧЕРГИНА, воспитатель.

21 февраль – Шочмо йылмын тўнжамбал кечыже.



Улыжат лу тунемше

Марий йылмын тўналтыш классыште И.Н.Булыгина туныктен. Кызыт тиде предмет деке З.А.Беляева шўманда. Урокшо пеш онгай, чыла умылена. Марий йылмын сайын палет гын, калыкетымат пагалаш тунемат, шонем. Руш йылмымат сайын тунемшаш улам. Тудо чыла вере кўлеш. Сандене уроклан сайын ямдылалтам.

Марк АНТОНОВ.
Советский, Кодам.



йылмын сайын тунемман. Те кугу лийыда, иктаж йот элыш каеда. Тушто тендан деч «Марла кузе саламлалтыт?» але «Марий мурым муралтен ончыктыза» манын йодыт гын, шочмо йылмыда дене раш, чаткан вавештеда гын, тендам пагалаш, воспитанный энлан шотлаш тўналыт, – умылтарыш Л.И.Кошкина.

Марий Элын сулло артистыже Татьяна Денисован эртарыме мастер классшым йоча-влак кужу жап шарнаш тўналыт.

Тунемше-влак утларакшым марла мутланышт. «Но марий йылмын пешыжак ынешт тунем», – ок шылте школ директор Надежда Васильевна.

Марий Шой – кундем лўмыштыжак «марий» мут уло. Тек тыште марий йылме шуко-шуко ий илаш тўналеш.

Л.СЕМЕНОВА.

Снимкыште: вашлиймаш деч вара.

7 февральыште С.Г.Чавайн лўмеш калыкле книгагудышто «Марий краевед» клубын 116-шо погынымашыже эртыш. Вашлиймаш поэт, журналист Михаил Иванович Якимовын 90 ияш лўмгечыжлан пўлеклалтын.

Шарнымаш кас шорыкйол тылзын юбилярышт **Н.И.Кульбаева** ден **В.М.Изилянов** саламлымаш гыч тўнале. Наталия Ивановна Марий Элысе артист-шамыч нерген книгагудышто лукташ шонымашыж нерген каласыш. Кызыт ТЮЗ нерген книгагудышто. Поэтессе В.М.Изилянован «Уло тўням шочмо йылме гоч шижам» манын каласымыже ушешем шарналт кодо. Чынак, шочмо йылмын ончыкылыкшо кызыт шуко марий еным тургыжландара. Умбакаже самырык-влак коклаште ондакысе лўмлў поэтшамыч гай талын возышо лектеш манын ўшана. Поэтессе **А.П.Иванова** юбиляр дене

пырля «Ончыко» журналыште пашамыштыме жапшым шарналтыш. Тунам М.Якимов шочмо кечыжлан почеламутым пўлеклен. «Самырык годым тиде пўлекым кўлеш семын аклен моштен омыл. Жап эртымеке, почеламутын келгылыкшым, вийжым шижынам. Ужам, кузе тудо самырык-влакын пўрымашышт нерген шонкала, кузе сылнымут корнышто шке верым муаш тылана», – ойла Альбертина Петровна.

Параньга район Матародо школышто «Кугезе мланде» кружокым вўдышў **Э.В.Захарова** поэтын илыш корныжым шымлымашке ятыр вийым

Лўмгече



Поэтым шарныме кас

пыштен. Йоча-влак дене пырля ыштыме презентацийым уна-шамыч куанен ончышт. Шўжарже **Р.Л.Окунева** изажым порын шарналтыш. Йошкар-Оласе 14-ше номеран гимназийыште тунемше **Егор Фёдоров** «Мемнам ончен кўранышт жапше годым» почеламутым лудо. Мучашлан М.Якимовын почеламутшылан возымо муро йонгалте.

Е.ИВАНОВА.

Муся


Мыйын уло пырысем,
Пешак тудым йоратем.
Пырысемым вучкалтем,
Малашат пырля пыштем.
Муся мый денем модеш,
Пеш онайын мурлыштеш.
Йўкым вел пуа мылам –
Вигак шорлан куржалам.
Капка йўкым вел колеш,
Шылме верже гыч лектеш.
Да куанен торшталалын,
Школ гыч толмым вучалеш.
Юлианна ЧАПЛЫГИНА.
Пошкырт, Мишкан,
Яныш Ялкайн лўмеш
Чорай марий гимназий.



Модаш йоратат

Пырыс гын колям вага,
Пий гын суртым орола.
Йоча-влак дене модаш
Йоратат вет коктынат.
Улыт сай йолташ.
Ксения БУТЕНИНА.
Морко, Эгерсола.

Мерангылан, маскайглан кол
шукырак логалеш?



Пырыс дене мутланем

Мыскара

Шем пырыс дечын мые йодым:
– Молан тый шўч гаяк коят?
Трук вашлиям гын тыйым водын,
Чынак, ом керт тогдаенат.
Шым пырыс мане мыланем:
– Шем тўнык рож гыч коштедем.
Ош пырыс дечын мые йодым:
– Кузе тый ошо лийынат?
Вет шеме ылыч кодшо годым,
Кузе вашталтын кертынат?
Ош пырыс: «Клатыш пуренам,
Шорвалым тушто веленам».
Сур пырыс корнешем логале:
– Кузе пунетым вашталтет?
Тый шеме, ошо ылыч. Але
Шинчамлан тыге кончет?
Сур пырыс шўлыкын манеш:
– Пордалтарен пий пуракеш.
– Вара могай тўсан улат? –
Йодам мый пырыс деч адак.
– Могайым мыйым тый ужат,
Тугай улам.
Мылам садак!

Мирон БОЛЬШАКОВ.



Синк-вейн

Мурик
Пушкыдо, мотор.
Кочкеш, сонарла, мала.
Монтгысō йоратыме янлык.
Пырыс.
Света АНДРИАНОВА.
Морко, Изи Корамас.

Хаски урлык пинеге аваж
деч йодеш:

– Авай, каласе, пожалуй-
ста, пырыс але пий ушан-
рак?
– Пырыс ушанрак, –
кумыл волен, ава вашешта.
– Тый неле издерым
шупшшо пырыс кўтўм
иктаж гана ужынат?

Персик

Пырысемын лўмжō – Персик. Пырысем колям кучаш
йората. Мый Упшерыш ковам дек чўчкыдын унала коштам,
пеленем Персикым налам. Ковамын Султан лўман пийже
уло. Вара коктын шуко жап модыт. Мый Персикым чот
йоратем.

Роман ГРИГОРЬЕВ, 2-шо «Б» класс.
Волжский, Шарача.

Тидым палаш огай

Кугу Ачамланде

сар годым фронтлаште 60 тўжем утла пий служит-
лен. Нуно тале кредалмаш тул кокла гыч 700 тўжем
наре сусыргышым луктыныт, 5862 тонн боеприпасым
частьлашке намиен шуктеныт, телефон воштырым
шолып шупшмаште тыршеныт, 300 танкым пудештаре-
ныт, фашист тўшкан шындыме 4 миллион мине ден
фугасым кычал муыныт.

Сур тўсан Мышка

Шукерте огыл мемнан ешышке
пырысиге ешаралте. Тудым изам ола
гыч шумеш конден. Пунжо сур, садлан
Мышка лўмым пуышна. Мышка моло пырыс-
влакым модаш тарата – кажныже дек миен
керылтеш. Южгунамже орен кынелеш, пуйто ала-кōм
лўдыкташ шона. Шкеже мардеж дечат писе, шонет!
Кастене, нойымекыже, воктекем толын возеш, тамлын
мален колта. Мышкан толмыж дене портыштына весе-
ларак лие.

Морко, Коркатово.

Элина НИКОЛАЕВА.

Меле Жан

7-ше классан урок

1

Сүретлан келшыше почеламут-влакым му.


Күкшö категориян туныктышо, Россий Президентын грантшым кок гана налше, Россий Федераций общий образованийын почётан пашаенже, Йошкар-Оласе 21-ше номеран школышто кугыжаныш марий йылме урокым вұдышö **О.Н.ВАСЕНИНА** ямдылен.



Теле кече. Поран чарныш.
Лывыртале кас велеш.
Сур кава гыч шына семын,
Эркын модын, лум велеш.
А.БИК.



Теве ончо, ял воктен
Теле мамыкшым оптен.
Пушенгат шога пёршан,
Пуйто йёршын чал ёрышан.
А.ФЁДОРОВ.



Йöратем мый сылне телым,
Яндар южышто кошташ.
Ваштар ечим чиялын,
Курыклаште мунчалташ.
А.ФЁДОРОВ.

2 Вашмутым пуыза.

1. Теле толмым мо шиж-тара? _____

2. Телым игече кузе ваштал-теш? _____

3. Теле мемнам мо дене куандара? _____

4. Телым могай вургемым чийыман? _____

5. Йоча-влак телылан молан куанат? _____

3

Могай тылзе нерген возымо.

Тиде тылзын мландым ош мамык лум леведеш. Игече йўкшемда. Кайык-влакын йўкышт огеш шокто. Тылзе мучаште вучымо пайрем шуэш.

Тиде тылзе моткоч йўштö. Чыла вере чока лум кия. Лум шуэн лумеш, кечывалым кече онча, шинчам йымыктара. Кўлеш деч посна ен-влак уремыште огыт кой.

Тиде тылзыште чўчкыдын тўтан, поран ўштеш. Корным петырен пыта-ра. Кунамже тўтан тарвана гын, уремышке лекманат огыл. Корныен йомын кертеш.

5

Могай кайык телылан кодеш?

Киса, шогертен, варак-сим, турня, лого, шиште, куку, чага, корак, шыр-чык, вараш, тумна, көгөр-чен, ёрш, пёрткайык.

6

Келшыше пале мут-влакым возо.

_____ пальто, _____ кем, упш, _____ ботинке, _____ тувыр, _____ пижерге, _____ ужга, _____ куртко, _____ портышкем.

4

Диалогым чонгыза.

– Марий кундемшыте телылан могай кайык-влак кодыт?

– Кормушко воктене могай кайыкым ужында?

– Кормушкыш мом пыш-таш лиеш?

– Тый кайыклан кормуш-кым ыштенат мо?

7

Йонгылыш-влакым му.

Синоптик-влакын увертарымышт почеш, арня мучко игече вашталтеш. Арнян икымше кечылаштыже мардеж касвел гыч пуа. Чатлама шокшо шога. Лум ок йўр. Вўргечын игече вашталтеш. Левешта. Лум лумеш. Мардеж кечывалвел-касвел гыч пуалеш. Южын температурыжо – 10-15 градус марте шокшемда. Тыгай игече кугарня марте лиеш. Шуматкечын южын температурыжо адакат – 28-30 градус марте кўза. Игече йўкшемда.

**К
А
Н
Ы
Ш

К
Е
Ч
Ы
Н**

Каныш кечын изи шўжарем дене ече дене коштна, курык гыч ватрушко дене мунчалтышна. Ачана паша гыч толмекыже, пакча шенгелне кугу лум крепостыым чоңышна.





**Настя ИВАНОВА.
Морко, Купсола.**

Йолташ ўдырем – Виктория. Тудын лўмжў грек йылме гыч толын да «сенымаш» маным ончыкта. Мыйын шонымаште, садланак Виктория спортлан шўман кушкеш. Эреак весела, поро, чылаштым лыпландарен мошта. Тыгай йолташ дене илаш куштылго.



Наташа ОДЯКОВА.

Медведево, Знаменский.



Сўретым чиялте.

Огай



Лўметын икымше букваже мом ончыкта? Тый палет? Луд да таңастаре – келшен толеш мо?

- А** – лидер, ончылно лияш тыршыше;
- Б** – тыршыше;
- В** – усталык шўлышан;
- Г** – арулыкым йўратыше;
- Д** – романтикым йўратыше;
- Е** – айдемым умылен моштышо;
- З** – пашам йўратыше;
- И** – воштылаш йўратыше;
- К** – лызга койышан;
- Л** – артист койышан;
- М** – вожылшо;

- Н** – чыным йўратыше;
- О** – пушкыдо кумылан;
- П** – арулыкым аклыше;
- Р** – пенгыде, ўшанле;
- С** – озаланаш йўратыше;
- Т** – творческий;
- Ф** – ўшанле йолташ;
- Х** – келге шижмашан айдеме;
- Ц** – талантан;
- Э** – нечке;
- Ю** – чулым, тале;
- Я** – ораде, сўрза койышан.



Теле

Теле пўртўс моткоч мотор. Пушенге ўмбалне лум кия, коклан пўрш налеш. Кечын чоян ончалмыж годым йырым-йыр лум йылгыжеш. Тыгай игечыште курык гыч мунчалташ, ече дене кошташ, лумышто пўрдалын модаш йўратем. Йўшто пагытыште кайык-влак нергенат ом мондо: кажне кечын кормушкыш кочкышым оптем.

**Полина ПЕТУХОВА, 5-ше класс.
У Торъял, Кузнеч.**

**Диана СЕМЕНОВАН сўретше.
Марий Турек, Арбор.**



Индекс: Марий Элыште, Пошкырт ден Татарстан кундемлаште - П4696. Тираж 1150 экз. Заказ 263. Формат – А-4-8. Директор-тўн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru
Сайтын адресше: yamde-lii.pro, Тел. 8(8362) 45-22-82(факс)

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугужаныш унитарный казна предприятий.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын Строитель урем, 95.

Газетым Массовый коммуникаций сферыште да культур наследиым аралымыште законодательством шуктен шогымым эскерыше Федеральный службын Приволжский федеральный округысо управленийыштыже регистрироватлыме.


Номер – ПИ №ФС 18-1999, 2005 ий 10 февральыште пуымо.

0+

Печатыш пуымо жап – 14-00, фактически – 13-00


Авторын да редакцийын шонымашышт тўрлў лийын кертыт. Серыш-влак мўнгеш огайт колталт. Ак – кутырен келшыме почеш.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20 (почтовый) Эгерўмбал Амстердам, 1 (фактический).



Ик шырпым верже дене вашталтен, чын вашмутым ыштыза.

Школышто 884 йоча тунемеш. Нунын кокла гыч «визытанлан» тунемшыже 26 гана шагалрак. Школышто «визытанлан» мыняр ўдыр-рвезе тунемеш?



Виса чын ончыкта мо?

Кожласоласе «Теремок» йочасадыште «Эн сай лум чоңыш» конкурс эртен. Ача-ава да моло йоча-влак дене пырля тиде йочасалын выпускникше, кызыт 2-шо номеран Красногорский школын 1-ше «Б» классыште тунемшыже Рома Волков полшен.

Л.ПАКАЛИНА.

Звенигово район.

Маска

Маска тельым мом ышта? Лум йымалне шып мала. Пўртўс тудым арала, «Тамле» омым ончыкта. Ёрш-влак толыт вынем дек, Чиоклат – йўкат уке. Кўдыр толын кычкыра – Нерым веле коргыкта. Рывыжат эртен кая, Кужу почшым рўзалта. Ур тоя ден «шуралта»: «Мом кўпет тый?» – кычкыра. Нигōмат ок кол маска, «Сериалым» вел онча. Игыжым ондал пышта: «Куш тый писын», – манылда.

Эмилия ВАСИЛЬЕВА.
Звенигово, Нуктуж.



«Кугу Какшан» заповедникын эмблемыштыже маскам арам огыл сўретлыме. Заповедник кумдыкышто илыше маска-влакын чотышт пўтын республикысе деч шукырак.

Задаче: Тельым маскаиге 300 грамман шочеш. Шыжылан тудын нелытше 3 килограммыш шуэш. Маскан нелытше мыняр пачаш кугемеш?




Кажне радамыште уто копшаггым му.

Т
у
ш
т
о

Магыра, варгыжеш, шўшкалта – Ораде чурийым тыге ончыкта. Лум тўтаным пўрдыктен нōлта, Окнашке конден тўкалта.

Юлия ИВАНОВА.
Кужэнгер, Шорсола.



Примерым шотло.



Чашкерысе мурызем «Шўкшў пўй! Шўкшў пўй!» манын койдара.



Корабльым могай фигур-влак дене ыштыме? Палемдыза.

Точко-влакым ушен, сўретым чиялте.